

নং-৩৮.৩৯৯.০০৭.০০.১০৩৮.২০২১- ৭/৭

তারিখ: ২৬ জ্যৈষ্ঠ ১৪২৯  
০৯ জুন ২০২২


বিষয়: 'সময় রেখায় বঙ্গবন্ধু: সে আগুন ছড়িয়ে গেল সবখানে' নামক পুস্তিকাটির প্রাপ্তি স্বীকার এবং প্রাপ্ত পুস্তিকা শিখনকেন্দ্রের শিক্ষার্থীদের মাঝে বিতরণপূর্বক মাস্টাররোল প্রেরণ প্রসঙ্গে।

উপর্যুক্ত বিষয়ের প্রেক্ষিতে জানানো যাচ্ছে যে, মৌলিক সাক্ষরতা প্রকল্প (৬৪ জেলা)'র ২য় ধাপে ৬০ জেলার প্রকল্পভুক্ত ১১৪টি উপজেলার শিখনকেন্দ্রগুলোতে শিক্ষার্থীদের ০৬ (ছয়) মাস মেয়াদী পাঠদান কার্যক্রম গত ০৮/১২/২০২১ তারিখে শুরু হয়ে গত ০৭/০৬/২০২২ তারিখে সমাপ্ত হয়েছে। ইতোমধ্যেই Assessment Agency (Third Party) কর্তৃক শিক্ষার্থীদের অর্জিত পাঠের চূড়ান্ত মূল্যায়ন কাজও সমাপ্ত হয়েছে।

২। মৌলিক সাক্ষরতা প্রকল্প (৬৪ জেলা)'র শিক্ষার্থীদের সাক্ষরতা প্রদানের জন্য প্রণীত পাঠ্যবই 'আমাদের চেতনা- ১ম ও ২য় খন্ড' প্রণয়ন কালে জাতির পিতা বঙ্গবন্ধু শেখ মুজিবুর রহমান সম্বন্ধে এবং স্বাধীন বাংলাদেশের অভ্যুদয় সম্বন্ধে সঠিক ইতিহাস বিষয়ক কোন অধ্যায় অন্তর্ভুক্ত করা হয়নি। এজন্য 'মুজিববর্ষ' উপলক্ষ্যে নির্ধারিত ১৫-৪৫ বছর বয়সের ২১ (একুশ) লক্ষ নিরক্ষর নারী-পুরুষ শিক্ষার্থীকে বঙ্গবন্ধু সম্বন্ধে এবং স্বাধীন বাংলাদেশের অভ্যুদয় সম্বন্ধে সঠিক ইতিহাস জানানোর কোন সুযোগ না থাকায় এ বিষয়টিকে গুরুত্বের সাথে বিবেচনায় নিয়ে জাতির পিতা বঙ্গবন্ধু শেখ মুজিবুর রহমান স্মৃতি জাদুঘরের কিউরেটর এন আই খান এর (প্রধান সম্পাদক) সম্পাদনায় এবং ঢাকা বিশ্ববিদ্যালয়ের প্রাক্তন ভাইস চ্যান্সেলর আ আ ম স আরেফিন সিদ্দীক, সৈয়দ বদরুল আহসান ও সোহরাব হাসান সমন্বয়ে গঠিত পরামর্শক পর্ষদের তত্ত্বাবধানে রচিত এবং 'শিলালিপি' প্রকাশনা ও মুদ্রণ প্রতিষ্ঠান কর্তৃক প্রকাশিত 'সময় রেখায় বঙ্গবন্ধু: সে আগুন ছড়িয়ে গেল সবখানে' নামক পুস্তিকাটি ৩৫ হাজার শিখনকেন্দ্রের প্রতিটির ১জন পুরুষ শিক্ষার্থী ও ১জন নারী শিক্ষার্থীর প্রত্যেককে ০১ (এক) টি করে অর্থাৎ প্রতি কেন্দ্রে সর্বমোট ০২ (দুই) টি পুস্তিকা প্রদানের ব্যবস্থা গ্রহণ করা হয়েছে। শিক্ষার্থীরা এ পুস্তিকায় সন্নিবেশিত ছবি ও তথ্যের মাধ্যমে তাঁদের পরিবারের সদস্যদের, সমাজ তথা নিজ এলাকার শিক্ষার সুবিধাবঞ্চিত নারী-পুরুষকে জাতির পিতা বঙ্গবন্ধু শেখ মুজিবুর রহমান সম্বন্ধে এবং স্বাধীন বাংলাদেশের অভ্যুদয় সম্বন্ধে সঠিক ইতিহাস জানাতে সক্ষম হবে।

৩। বর্ণিতব্যয়, এতদসঙ্গে সংযুক্ত তালিকা মোতাবেক আপনার জেলার প্রকল্পভুক্ত উপজেলার শিখনকেন্দ্রের পুস্তিকা পাওয়া মাত্রই এর প্রাপ্তি স্বীকার প্রকল্প পরিচালক, মৌলিক সাক্ষরতা প্রকল্প (৬৪ জেলা)'র ই-মেইল (pdbl2014@gmail.com) এ এবং ডাকযোগে প্রেরণ নিশ্চিত করতে হবে। প্রাপ্ত পুস্তিকা উপজেলা নির্বাহী অফিসারের সহযোগিতায় উপজেলা প্রোগ্রাম অফিসারের মাধ্যমে চূড়ান্ত মূল্যায়নে সর্বোচ্চ স্কের অর্জনকারী প্রতিটি শিখনকেন্দ্রের ১জন পুরুষ শিক্ষার্থী ও ১জন নারী শিক্ষার্থীর প্রত্যেককে ০১ (এক) টি করে প্রদানের বিষয়টি নিশ্চিত করে পুস্তিকা বিতরণের শিখনকেন্দ্রভিত্তিক শিক্ষার্থীদের মাস্টাররোল আগামী ২৩/০৬/২০২২ তারিখের মধ্যে প্রকল্প পরিচালক, মৌলিক সাক্ষরতা প্রকল্প (৬৪ জেলা) বরাবর ই-মেইল (pdbl2014@gmail.com) এ এবং রেজিস্টার্ড ডাকযোগে প্রেরণের জন্য অনুরোধ করা হলো।

বিষয়টি অতীব জরুরী।

  
শামীমুল হক পাতেল  
প্রকল্প পরিচালক  
ফোন: ০২-২২২২৮৫৭৮০

সহকারী পরিচালক (সংশ্লিষ্ট সকল)

জেলা উপানুষ্ঠানিক শিক্ষা ব্যুরো

কালেক্টরেট ভবন/.....

জেলা:.....।

অনুলিপি:

১। মহাপরিচালক, উপানুষ্ঠানিক শিক্ষা ব্যুরো, ২৩২/১ তেজগাঁও শিল্প এলাকা, ঢাকা-১২০৮।

২। জেলা প্রশাসক (সংশ্লিষ্ট সকল), জেলা:.....।

৩। উপজেলা নির্বাহী অফিসার (সংশ্লিষ্ট সকল), উপজেলা:....., জেলা:.....।

৪। প্রোগ্রামার, মৌলিক সাক্ষরতা প্রকল্প (৬৪ জেলা), তেজগাঁও, ঢাকা-১২০৮ (পত্রটি ওয়েবসাইটে প্রকাশের অনুরোধসহ)।

৫। উপজেলা প্রোগ্রাম অফিসার, মৌলিক সাক্ষরতা প্রকল্প (৬৪ জেলা), উপজেলা:....., জেলা:..... (বিষয়টি নিশ্চিতকরণের নির্দেশনাসহ)।